

WACDIYAHII

Wax Walba Waa Wax Aan Micne Lahayn

1 Kuwanu waa erayadii
wacdiyihii ahaa ina Daa'uud oo
Yeruuusaalem boqorka ku ahaa.

²Wacdiyuhu wuxuu leeyahay, Waa
wax aan waxba tarayn, waa wax
aan waxba tarayn, wax waluba
waa wax aan waxba tarayn. ³Bal
maxaa faa'iido ah oo nin ka hela
hawshiisa uu qorraxda hoosteeda
ku hawshoodo oo dhan? ⁴Qarni
baa taga, oo qarni kalena wuu
yimaadaa, laakiinse dhulku
weligiisba wuu waaraa. ⁵Oo
qorraxduna way soo baxdaa, oo
haddana way dhacdaa, oo waxay ku
degdegtaa meeshii ay ka soo baxdo.
⁶Dabayshu waxay tagtaa xagga
koonfureed, oo haddana waxay u
soo rogmataa xagga woqooyi, oo
had iyo goorba way wareegtaa, oo
dabayshu waxay ku soo noqotaa
wareeggeedii. ⁷Webiyaasha oo
dhammu waxay ku shubmaan badda,
oo weli badduna ma buuxsanto, oo
webiyaashu meeshii ay ku socdaan
ayay haddana ku sii socdaan. ⁸Wax
kastaaba waa daal miidhan, dadku
ma sheegi karo innaba. Ishu wax
arag kama dheregto, dhegtuna
waxmaqlid kama buuxsanto. ⁹Wixii
hore u jiri jiray waa waxa dibna u
jiri doona, oo wixii la sameeyeyna
waa waxa hadda ka dib la samayn
doono, oo inta qorraxda ka
hoosaysana wax cusub laguma arko.
¹⁰Miyey jiraan wax la odhan karo,
Bal eeg, waxanu waa cusub yihiine?
Way jiri jireen tan iyo waayihii
inaga horreeyey. ¹¹Waxyaalihii hore

lama xusuusto, oo waxyaalaha iman
doonana innaba laguma xusuusan
doono kuwa dabadeed iman doona.

Xigmaddu Waa Wax Aan Micne Lahayn

¹²Anigan wacdiyaha ahu boqor
baan reer binu Israa'iil ugu
ahaa Yeruuusaalem. ¹³Oo waxaan
qalbigaya oo dhan u soo jeedshay
inaan doono oo xigmad ku baadho
waxyaalaha samada hoosteeda lagu
sameeyo oo dhan. Dhibaatadan
kulul ayaa Ilaah binu-aadmigu
u siiyey inay ku hawshoodaan.
¹⁴Shuqullandaa qorraxda hoosteeda
lagu sameeyo oo dhan waan
arkay, oo bal eeg, dhammaantood
waa wax aan waxba tarayn iyo
dabagalka dabaysha oo kale.
¹⁵Wixii qalloocan lama toosin karo,
oo wixii dhimmannaa lama tirin
karo. ¹⁶Qalbigaygaan la hadlay, oo
waxaan ku idhi, Bal eeg, anigu
waxaan helay xigmad ka sii badan
tii kuwii hortaydii Yeruuusaalem u
talin jiray oo dhan, oo qalbigaygu
aad buu u arkay xigmad badan iyo
aqoon dheer. ¹⁷Waxaan qalbigaya
siiyey inaan xigmad ogaado iyo
inaan waalli iyo nacasnimo ogaado,
oo waxaan gartay inay taasuna
tahay dabagalka dabaysha oo
kale. ¹⁸Waayo, xigmaddii badan
caloolxumo badan baa ku jirta, oo
kii aqoon korodhsadaana murug buu
sii korodhsadaa.

Raaxo Waa Wax Aan Micne Lahayn

2 Waxaan qalbiga iska idhi, Bal
kaalay, waxaan kugu tijaabin

doonaa farxad, haddaba bal iska raaxayso, oo bal eeg, taasuna waa wax aan waxba tarayne. ²Qosol waxaan ka idhi, Waa waall! Farxadna waxaan ka idhi, Bal maxay taraysaa? ³Waxaan qalbigayga ka damcay inaan jidhkayga khamri ku istareexiyo intii qalbigaygu xigmad igu hoggaaminayo, iyo inaan nacasnimo xagsado jeeraan arko waxa binu-aadmiga ku wanaagsan inay cimrigooda oo dhan samada hoosteeda ku sameeyaan. ⁴Waxaan samaystay shuqullo waaweyn, guryana waan dhistay, beero canab ahna waan beertay. ⁵Waxaan samaystay beero iyo firdows, oo waxaan ku dhix beeray geed midho cayn kastaba leh. ⁶Waxaan samaystay balliyo biya ah oo laga warabiyo kaynta dhirtu ka baxdo. ⁷Waxaan soo iibsaday addoommo rag iyo dumarba ah, oo waxaan lahaa addoommo gurigayga ku dhashay, weliba waxaan lahaa hanti aad u badan oo ishkin iyo adhiba leh, oo waan ka sii hodansanaa kuwii Yeruusaalem iiga horreeyey oo dhan. ⁸Oo weliba waxaan kaloo soo urursaday lacag, iyo dahab, iyo khasnado khaas ah oo ay boqorro iyo gobollo leeyihiin. Oo waxaan yeeshay niman ii gabya iyo naago ii gabya, iyo waxyaalahay ay binu-aadmigu ku farxaan iyo dumar badan. ⁹Sidaasaan u weynaa oo uga maal badnaa kuwii Yeruusaalem iiga horreeyey oo dhan, oo weliba xigmaddaydiina way igu hadhay. ¹⁰Oo wax kasta oo indhahaygu jeclaysteenna kama aan celin, oo qalbigaygana kama aan joojin farxad cayn kastoo ay tahayba, waayo, qalbigaygu wuu ku reyreeyey hawshaydii oo dhan, oo taasuna waxay ahayd qaybtii aan hawshaydii oo dhan ka helay. ¹¹Markaasaan fiirihey shuqullandii ay gacmahaygu sameeyeen oo dhan, iyo hawshii aan ku hawshooday oo dhan, oo bal eeg, dhammaantood waxay ahaayeen wax aan waxba tarayn.

iyo dabagalka dabaysha oo kale, oo innaba faa'iido laguma arag inta qorraxda ka hoosaysa.

Xigmad Iyo Nacasnimo Waa Wax Aan Micne Lahayn

¹²Markaasaan u soo jeestay inaan xigmad iyo waall iyo nacasnimbaba fiiriyo, waayo, ninka boqorka ka dambeeya bal muxuu samayn karaa wixii hore loo sameeyey mooyaane? ¹³Markaasaan gartay in xigmaddu ay ka sii fiican tahay nacasnima, sida iftiinku uu gudcurka uga fiican yahay oo kale. ¹⁴Ninkii xigmadda leh indhihiisu madaxiisay ku yaallaan, oo nacasku gudcur buu ku dhix socdaa, laakiinse waxaan gartay inuu isku wax dhammaantood ku dhoco. ¹⁵Oo haddana waxaan qalbigayga iska idhi, Wixii nacaska ku dhaca anigana way igu dhici doonaan, haddaba bal maxaan uga xigmad badnaaday? Markaasaan qalbigayga iska idhi, Taasuna waa wax aan waxba tarayn. ¹⁶Waayo, kan xigmadda leh lama xusuusto ilaa weligiis xataa sida aan nacaska loo xusuusan, maxaa yeelay, wakhtiga soo socda waxa haatan jooga oo dhan waa la wada illoobi doonaa. Oo bal kan xigmadda lahu wuxuu u dhintaa sida nacaska oo kale!

Hawl Waa Wax Aan Micne Lahayn

¹⁷Sidaas daraaddeed nolosha waan nacay, maxaa yeelay, shuquffa qorraxda hoosteeda lagu sameeyo oo dhammu dhib buu ii ahaa, waayo, kulli waa wax aan waxba tarayn iyo dabagalka dabaysha. ¹⁸Wixii aan qorraxda hoosteeda ku hawshooday oo dhan waan nacay, maxaa yeelay, waa inaan uga tago ninka iga dambeeya. ¹⁹Bal yaase yaqaan inuu ahaan doono nin xigmad leh amase nacas? Kolleyse isagaa u talin doona hawshaydii aan qorraxda hoosteeda ku hawshooday oo aan xigmad ku muujiyey oo dhan. Taasuna waa wax aan waxba tarayn. ²⁰Haddaba

sidaas daraaddeed ayaan uga qalbi jabay wixii aan qorraxda hoosteeda ku hawshooday oo dhan. ²¹Waayo, waxaa jira nin hawshiisa xigmad, iyo aqoon, iyo guul ku sameeyaa, oo haddana uga taga nin aan ku hawshoon. Taasuna waa wax aan waxba tarayn iyo xaqqdarro. ²²Bal maxaa nin ka helaa hawshiisa uu qorraxda hoosteeda ku hawshoodoo oo dhan iyo dabagalka qalbigiisaba? ²³Waayo, maalmihiisa oo dhammu waa u murug, dhibaatadiisuna waa u tiiraanyo, oo xataa habeenkii qalbigiisu ma nastro. Taasuna waa wax aan waxba tarayn.

²⁴Nin inuu wax cuno oo wax cabbo oo uu hawshiisa si wanaagsan ugu raaxaysto wax uga roon lama arko, oo taasna waxaan arkay inay tahay wax gacanta Ilaah ka yimid. ²⁵Waayo, bal yaa wax cuni kara, yaase raaxaysan kara in iga badan? ²⁶Waayo, qofkii Ilaah ka farxiyo wuxuu siyyaa xigmad iyo aqoon iyo farxad, laakiinse dembilaha wuxuu siyyaa dhib inuu wax u ururiyo oo uu taallaysto si uu u siyo kan Ilaah ka farxiya. Taasuna waa wax aan waxba tarayn iyo dabagalka dabaysha oo kale.

Wax Kasta Xilli Bay Leeyihiin

3 Wax kastaaba waxay leeyihiin wakhti u khaas ah, wax kasta oo samada ka hooseeyaaaba waxay leeyihiin wakhti go'an. ²Waxaa jira wakhti la dhasho, iyo wakhti la dhinto; wakhti wax la beero, iyo wakhti wixii la beeray la gurto; ³wakhti wax la dilo, iyo wakhti wax la bogsiyo; wakhti wax la dumyo, iyo wakhti wax la dhiso; ⁴wakhti la ooyo iyo wakhti la qoslo; wakhti la baroorto, iyo wakhti la cayaaro; ⁵wakhti dhagaxyo la xoro, iyo wakhti dhagaxyo la soo ururiyo; wakhti laysku duubo, iyo wakhti iskuduubidda la daayo; ⁶wakhti wax la doondoono, iyo wakhti wax la lumiyi; wakhti wax la sii haysto iyo wakhti wax la xoro; ⁷wakhti

wax la jeexjeexo, iyo wakhti wax la tolo; wakhti la aamuso iyo wakhti la hadlo; ⁸wakhti wax la jeclaado iyo wakhti wax la necbaado; wakhti dagaaleed, iyo wakhti nabdeed. ⁹Kii shaqeeyaa bal maxaa faa'iido ah oo uu ka helaa hawshiisa uu ku hawshoodo? ¹⁰Dhibaatadii Ilaah binu-aadmiga u siiyey inay ku hawshoodaan ayaan arkay. ¹¹Wax kastuu ka dhigay inay wakhtigooda quruxsanaadaan, oo haddana daa'imnimadii ayuu qalbigooda ku beeray, hase ahaatee binu-aadmigu ma uu garto shuqukkii Ilaah sameeyey tan iyo bilowgii ilaa ugudambaysta. ¹²Waan ogahay inaan binu-aadmigu lahayn wax uga wanaagsan inay iska farxaan oo ay cimrigooda oo dhan wanaag sameeyaan mooyaane. ¹³Oo weliba waa hibo Ilaah in nin kastaaba wax cuno oo wax cabbo, oo uu wanaag ku istareexo intuu hawshoodoo oo dhan. ¹⁴Waxaan ogahay in wax kasta oo Ilaah sameeyaba ay weligood sii raagayaan. Waxba laguma dari karo, waxbana lagama dhimi karo. Oo Ilaah wuxuu saas u yeelay in dadku ka cabsado. ¹⁵Waxa haatan jiraa horeba way u jireen, oo waxa jiri doona horeba way u jireen, oo Ilaahna wuxuu doondoona wixii hore u dhaafay.

¹⁶Weliba waxaan kaloo qorraxda hoosteeda ku arkay in meeshii garsooridda ay caddaaladdirro ku jirto, oo meeshii xaqnimadana ay xumaanu ku jirto. ¹⁷Waxaan qalbigayga iska idhi, Ilaah baa u kala garsoori doona kan xaqaa ah iyo kan sharka ah, waayo, wax kasta iyo shuquf kastaaba halqaasay wakhti ku leeyihiin. ¹⁸Waxaan qalbigayga iska idhi, Waxaa Ilaah doonaya inuu binu-aadmiga u tijaabiyo inay ogaadaan inay xayawaan yihiin. ¹⁹Waayo, wixii binu-aadmiga ku dhacaaba xayawaankana way ku dhacaan, oo xataa isku wax baa ku dhaca, oo sidii midkood u dhinto ayaan kan kalena u dhinta, oo weliba

dhammaantood waxay leeyihiin isku neef, oo dadku xayawaanka waxba ma dheera, waayo, wax kastaaba waa wax aan waxba tarayn. ²⁰Kulli isku meel bay tagaan, oo kulligood ciiddaa laga abuuray, oo kulligoodna ciidday ku wada noqon doonaan. ²¹Waayo, bal yaa yaqaan in dadka naftiisu ay kor tagto iyo in xayawaanka naftiisu ay dhulka hoos u tagto iyo in kale? ²²Haddaba sidaas daraaddeed waxaan ogaaday inaan dadka wax u dhaama la arag in nin kasta shuqulliadiisa ku farxo mooyaane, waayo, taasu waa qaybtisii, maxaa yeelay, bal yaa isaga dib u soo celinaya inuu arko waxa dabadiis ahaan doona?

Dulmi, Hawl, Iyo Saaxiibla'aannimo

4 Markaasaan mar kale soo fiirsaday waxyaalaha dulmiga ah ee qorraxda hoosteeda lagu sameeyo oo dhan, oo waxaan fiirihey kuwa la dulmay ilmadoodii, oo mid u qalbi qabowjijana ma ay lahayn. Kuwii iyaga dulmayay dhankooda xoog baa jiray, laakiinse iyagu qalbiqabowjiye ma ay lahayn. ²Sidaas daraaddeed waxaan ammaanay kuwii dhintay in ka sii badan kuwa haatan jooga ee weli nool. ³Oo weliba waxaa labadoodaba ka wanaagsan kan aan weli dhalan oo aan arag shuqulka sharka ah oo qorraxda hoosteeda lagu sameeyo.

⁴Oo haddana waxaan arkay in hawl oo dhan iyo shuqul kasta oo lagu guulaystoba uu nin deriskiisu ugu hinaaso. Oo taasuna waa wax aan waxba tarayn iyo dabagalka dabaysha oo kale. ⁵Nacasku gacmihisuu isku duuddubaa, oo wuxuu cunaa hilibkiisa. ⁶Sacab muggiis oo xasilloonaan lagu helo ayaa ka wanaagsan laba sacab oo hawl iyo dabagalka dabaysha lagu helo.

⁷Oo haddana waxaan qorraxda hoosteeda ku fiirsaday wax aan waxba tarayn. ⁸Waxaa jira mid keligiis ah oo uusan mid labaadna wehelin, oo aan wiil iyo walaal toona lahayn. Hawshiisa oo dhammu dhammaad ma leh, oo indhihiisuna taajirnimo kama dhergaan. Oo wuxuu isku yidhaahdaa, Bal yaan u hawshoonayaa, yaanse naftayda waxyaalo wanwanaagsan ugu diidayaa? Taasuna waa wax aan waxba tarayn, waana dhib aad u xun. ⁹Laba waa ka wanaagsan yihii mid qudha, maxaa yeelay, abaalgud wanaagsan bay hawshooda ka helaan. ¹⁰Waayo, hadday dhacaan, mid ba wadagiis sare u qaadi doona, laakiinse waxaa iska hoogay kii markuu dhaco keligiis ah, oo aan lahayn mid kale oo sare u qaada. ¹¹Oo haddana haddii laba wada seexdaan way iskululeyyaan, laakiinse sidee baa mid keligiis ah u kululaan karaa? ¹²Oo hadduu nin ka adkaado mid keligiis, ah kolley laba way hor joogsan doonaan. Xadhig saddex qaybood laysugu soohay dhaqso uma kala go'o.

Dallacaaddu Micne Ma Leh

¹³Boqor nacas ah oo gaboobay oo aan innaba mar dambe talo qaadan waxaa ka wanaagsan barbaar miskiin ah oo xigmad leh. ¹⁴Waayo, xabsi buu uga soo baxay inuu boqor noqdo, oo boqortooyadiisuu ku dhex dhashay isagoo miskiin ah. ¹⁵Waxaan arkay inta nool ee qorraxda hoosteeda socota oo dhan iyagoo la jooga barbaarka meeshiisa istaagi doona. ¹⁶Dadka uu isagu u taliyey oo dhammu dhammaad ma lahayn, laakiinse kuwa isaga ka daba iman doonaa kuma rayrayn doonaan isaga. Hubaal taasuna waa wax aan waxtar lahayn iyo dabagalka dabaysha oo kale.

Ilaah Cabsi Ku Horjoog

5 Markaad guriga Ilaah tegaysid is-ilaali, waayo, inaad u dhowaatid si aad wax u maqashid way ka roon tahay inaad bixisid allabariga nacasyada oo kale, maxaa yeelay, iyagu ma oga inay wax shar ah samaynayaan. ²Afkaaga ha ku degdeg, oo inaad Ilaah hortiisa wax kaga hadashid ha u dhaqsan, waayo, Ilaah samaduu joogaa, adna dhulkaad joogtaa, haddaba hadalkaagu ha yaraado. ³Waayo, riyo waxay ka dhalataa hawl badan, oo nacaska codkiisana waxaa lagu gartaa hadalkiisa badan. ⁴Markaad Ilaah nidar u nidartid waa inaadan inaad bixisid dib uga dhicin, waayo, isagu nacasyada kuma farxo ee wixii aad u nidartay bixi. ⁵Inaad nidar gasho oo aadan bixin waxaa ka wanaagsan inaadan waxba nidrin. ⁶Afkaaga ha u oggolaan inuu jidhkaaga dembaajiyo, oo malaa'igta horteedana ha ka odhan, Qalad bay ahaayeen. Bal maxaad Ilaah codkaaga ugu cadhaysiisaa si uu shuqulka gacmahaaga u baabbi'iyo? ⁷Waayo, riyoojin iyo erayo fara badanba waxaa ku jira wax badan oo aan waxtar lahayn, laakiinse adigu Ilaah ka cabso.

Taajirnimadu Micne Ma Leh

⁸Haddaad gobol ku aragtid masaakiin la dulmayo, iyo garsoorid iyo caddaalad si xoog leh loo qalloocinayo, waxaas ha la yaabin, waayo, kan sare mid ka sii sarreeya ayaa eegaya, oo weliba waxaa jira kuwa ka sii sarreeya iyaga. ⁹Dhulka faa'iiddadiisu kulli way ka dhexaysaa, waayo, boqorka qudhisaba waxaa looga adeegaa beerta.

¹⁰Kii lacag jecelu lacag kama dhergi doono, oo kii maal badan jeceluna faa'iido kama dhergi doono, taasuna waa wax aan waxba tarayn. ¹¹Markii maalku bato kuwa cunaana way sii bataan. Maalku bal muxuu kan leh u taraa inuu indhihiisa ku firiyoo mooyaane?

¹²Ninkii hawshooda hurdadiisu waa u macaan tahay, hadduu wax yar cuno iyo hadduu wax badan cunoba, laakiinse taajirka maalkiisa badanu hurreduu u diidaa.

¹³Waxaa jira wax shar ah oo aad u xun oo aan qorraxda hoosteeda ku arkay, waana maal badan oo uu kan lahu sii haysto oo uu waxyeello uun isu keeno. ¹⁴Oo maalkaasu wax xun buu ku baabba'aa, oo kii lahaana wiil buu dhalay, laakiinse gacantiisa waxba kuma jiraan. ¹⁵Siduu uruka hooyadiis uga soo baxay ayuu isagoo qaawan ku tegi doonaa, siduu hore ku yimid oo kale. Oo hawshiisa aawadeedna wax uu gacanta ku qaadan karo ma qaadan doono. ¹⁶Oo weliba taasuna waa wax aad u xun inuu si kastaba ku tago siduu hore ku yimid oo kale; haddaba kan dabayl ku hawshooda bal maxaa faa'iido ah oo uu helayaa? ¹⁷Oo weliba cimrigiisa oo dhan wuxuu ku cunaa gudcur, oo intaasna wuxuu ku jiraa murug, iyo cudur, iyo cadho.

¹⁸Bal eeg, waxaan gartay inay wanaagsan tahay oo habboon tahay in qof wax cuno oo wax cabbo, iyo inuu hawshiisa uu qorraxda hoosteeda ku hawshoodo oo dhan ku istareexo cimrigii Ilaah siiyey oo dhan, waayo, taasu waa qaybtisaa.

¹⁹Oo weliba nin kasta oo Ilaah maal iyo hanti siiyey, oo haddana siiyey karti uu wax kaga cuno, oo uu kaga qayb qaato, iyo inuu hawshiisa ku reyreeyoba, taasu waa hibo Ilaah. ²⁰Waayo, isagu aad uma xusuusun doono wakhtigii uu noolaa, maxaa yeelay, Ilaah baa farxad qalbigiisa geliya.

6 Waxaa jira wax xun oo aan qorraxda hoosteeda ku arkay, taasuna waa wax dadka ku culus, ²waana nin Ilaah siiyey maal, iyo hanti, iyo sharaf, oo wax alla wixii naftiisu jeceshahayna aan waxba ka dhinnayn, oo haddana Ilaah isaga aan siin karti uu wax kaga cuno, laakiinse uu shisheeye iska

cuno. Taasu waa wax aan waxba tarayn iyo dhibaato xun. ³Haddii nin boqol carriuur ah dhalo, oo uu sannado badan noolaado si uu u cimri dheeraado, laakiinse ayan naftiisu wax wanaagsan ka dhergin, oo haddana aan la aasin, waxaan leeyahay, Kaas waxaa ka wanaagsan dhicis. ⁴Waayo, dhicisku wax aan waxba tarayn ayuu u yimaadaa, gudcur buuna ku tagaa, oo magiciisana gudcur baa daboola. ⁵Oo weliba qorraxda ma uu arag, mana garan, oo kaasu waa ka sii nasasho badan yahay kii kale. ⁶In kastoo uu noolaado kun sannadood oo laba jibbaar ah, laakiinse uusan wax wanaagsan ku raaxaysan, sow kulliba isku meel lama wada tago? ⁷Nin hawshiisa oo dhan waa u afkiisaa, laakiinse kama hamuun beelo. ⁸Waayo, bal kii xigmad lahu maxaa faa'iido ah oo uu nacaska dheer yahay? Miskiinkii kuwa nool hortooda si loogu socdo yaqaanse, maxaa faa'iido ah oo uu leeyahay? ⁹Damac iska wareegaa waxaa ka wanaagsan indhaha aragtiddooda, taasuna waa wax aan waxba tarayn iyo dabagalka dabaysha oo kale.

¹⁰Nin waluba wuxuu yahayba waa horaa loo magacaabay, oo waa la garanaya inuu binu-aadmii yahay, oo lamana uu diriri karo kan isaga ka xoog badan. ¹¹Waxaa jira waxyalo badan oo sii kordhiya waxa aan waxba tarayn, bal maxaa faa'iido ah oo uu binu-aadmig leeyahay? ¹²Waayo, bal yaa garanaya waxa qof u wanaagsan intuu nool yahay oo ah maalmihii cimrigiisa aan waxba tarayn oo dhan ee uu sida hoos oo kale u dhaafiyi? Waayo, bal yaa nin u sheegi kara waxa qorraxda hoosteeda isaga dabadiis ahaan doona?

Xigmadda

7 Magac wanaagsanu waa ka sii fiican yahay saliid qaali ah, oo maalinta dhimashaduna

waa ka fiican tahay maalinta dhalashada. ²In guriga diyaafadda la tago waxaa ka wanaagsan in guriga baroorashada la tago, waayo, taasaa dadka oo dhan u dampbaysa, oo kuwa nooluna qalbigay taas gashan doonaan. ³Qosol waxaa ka wanaagsan murug, waayo, qalbigu wuxuu ku wanaagsanaadaa wejiga caloolxumadiisa. ⁴Qalbiga kuwa xigmadda lahu wuxuu ku jiraa guriga baroorashada, laakiinse qalbiga nacasyadu wuxuu ku jiraa guriga farxadda. ⁵Nin intuu nacasyada gabaygooda maqli lahaa waxaa ka wanaagsan inuu canaanta kuwa xigmadda leh maqlo. ⁶Waayo, qosolka nacasku waa sida qodxo dheri hoostiis ka jacjac leh, oo taasuna waa wax aan waxba tarayn. ⁷Hubaal dulmigu nin xigmad leh wuu waalaa, oo laaluushkuna qalbiguu ka kharribaa. ⁸Wax bilowgiisa waxaa ka wanaagsan dhammaadkiisa, oo kii dulqaadasho badanuna waa ka wanaagsan yahay kii kibir badan. ⁹Xanaaq ha ku degdegini, waayo, xanaaq wuxuu ku jiraa laabta nacasyada. ¹⁰Ha odhan, Waayihii hore bal maxay kuwan uga fiicnaayeen? Waayo, xaalkan si caqliya u weyddiin maysid. ¹¹Xigmaddu sida dhaxal oo kale ayay u wanaagsan tahay, oo waa u faa'iido kuwa qorraxda arka. ¹²Waayo, xigmaddu waxay wax u daafacdaa sida lacagu wax u daafacdo oo kale, laakiinse aqoonta faa'iideedu waa in xigmaddu ay nabadgeliso kuwa iyada haysta. ¹³Bal Ilaah shuqulkiisa ka firso, waayo, wixii uu isagu qalloociyey bal yaa toosin kara? ¹⁴Maalintii aad barwaaqaysan tahay aad u faraxsanow, oo maalintii aad dhibaataysan tahayna aad u firso in Ilaah mid u sameeyey sida kan kale si uusan ninna u ogaan karin waxa isaga dabadiis jiri doona.

¹⁵Waxaa jira nin xaq ah oo qaanimadiisa ku halligma iyo nin shar ah oo sharnimadiisa ku cimri

dheeraada; labadaba wakhtigii aan waxtarka lahayn ee aan noolaa ayaan arkay. ¹⁶Aad xaq ha u noqon oo hana iska dhigin mid aad xigmad u leh, waayo, bal maxaad isu baabbi'inaysaa? ¹⁷Aad sharroow ha u noqon, oo nacasma ha noqon, waayo, bal maxaad wedkaaga ka hor u dhimanaysaa? ¹⁸Waxaa kuu wanaagsan inaad tan xagsatid, oo aadan gacantaadana dib uga ceshan, waayo, kii Ilaah ka cabsada waxan oo dhan ayuu ka soo bixi doonaan. ¹⁹Xigmaddu kan xigmadda leh way uga xoog badan tahay toban taliye oo magaalada jooga. ²⁰Waayo, dhulka laguma arag nin xaq ah oo wanaag fala, oo aan dembaabin. ²¹Wax kasta oo lagu hadlo ha dhegaysan, waaba intaasoo Aad maqashaa addoonkaaga oo ku habaarayee. ²²Waayo, marar badan ayaa qalbigaagu og yahay inaad adba saasoo kale u habaartid kuwo kale. ²³Waxyaalahan oo dhan xigmad baan ku tijaabiyyey. Waxaan isidhi, Xigmad baan yeelan doonaa, laakiinse xigmaddii way iga fogayd. ²⁴Waayo, bal yaa gaadhi kara wixii aad u fog ee mool dheer? ²⁵Waxaan qalbigayga oo dhan u diyaariyey oo u soo jeediyeey inaan ogaado, oo baadho, oo aan doontoono xigmad iyo wax kasta sababtiisa, iyo inaan ogaado in sharnimadu tahay nacasmimo, iyo in doqonnimadu tahay waalli. ²⁶Oo waxaan soo ogaaday wax xataa dhimashada ka sii qadhaadh, waana naag qalbigeedu yahay dabinnu iyo shabagyo, oo ay gacmeheeduna yihiin jeebbooyin. Ku alla kii Ilaah ka farxiyo iyaduu ka baxsan doonaa, laakiinse dembilaha way qabsan doontaa. ²⁷Wacdiyuuhu wuxuu leeyahay, Bal eega, si aan sababta u garto ayaan midba mid ku daray oo waxaasaan soo helay. ²⁸Oo weliba waan sii doondoonyaa, laakiinse ma aan helo. Kun nin dhexdood ayaan nin qudha ka helay, laakiinse

kuwaas oo dhan xataa naag qudha kama helin. ²⁹Bal eeg, waxan keliya oo aan soo ogaaday in Ilaah binu-aadmiga sameeyey iyagoo qumman, laakiinse waxay doondooneen hindisooyin badan.

8 Yaa ninka xigmadda leh la mid ah? Yaase wax micnihiisa yaqaan? Nin xigmaddiisu wejigiisay dhalaalisaa, oo adaygga wejigiisuna wuu beddelmaa.

Dhawr Amarka Boqorka

²Waxaan kugula talinaya inaad boqorka amarkiisa dhawrtid, dhaartii Ilaah ee aad ku dhaaratay aawadeed. ³Ha ku degdegini inaad hortiisa ka tagtid, wax shar ahna ha ku sii adkaan, waayo, isagu wuxuu sameeyaa wax alla wuxuu ku farxo. ⁴Waayo, boqorka hadalkisu xoog buu leeyahay, oo yaase isaga ku odhan kara, War maxaad samaynaysaa? ⁵Ku alla kii amarka dhawra innaba waxyello ma gaadhi doonto, oo ninka xigmadda leh qalbigiisuna wakhtiga iyo garsooriddaba wuu gartaa. ⁶Maxaa yeelay, xaal kastaaba wuxuu leeyahay wakhti iyo garsoorid, in kastoo nin dhibaatadiisu iyadoo weyn ay saaran tahay. ⁷Maxaa yeelay, isagu garan maayo waxa ahaan doona, waayo, bal yaa isaga u sheegi kara siday u ahaan doonaan? ⁸Ninna amar uma leh inuu nafta ceshado, oo maalinta dhimashadana amar uma leh. Oo wakhtiga dagaalkaasna fasax ma leh, oo sharnimaduna ma samatabbixin doonto kuwa iyada leh. ⁹Waxaa oo dhan ayaan arkay, oo qalbigaygana waan u soo jeediyeey shuqul kasta oo qorraxda hoosteeda lagu sameeyo oo dhan. Waxaa jira wakhti nin mid kale u taliyo oo uu wax yeelo.

¹⁰Oo haddana waxaan arkay sharowyadii oo la aasay, kuwaas oo iman jiray oo ka bixi jiray meeshii quduuska ahayd, oo magaaladii ay waxaa ku dhex sameeyeenna

waa laga illoobay. Taasuna waa wax aan waxba tarayn.¹¹ Shuqulka sharka ah xukunkiisa dhaqso looma oofyo, oo sidaas daraaddeed binu-aadmiga qalbigisu inuu shar sameeyo aad buu u damcaa.¹² In kastoo dembile boqol jeer shar sameeyo, oo cimrigiisuna aad u sii raago, haddana hubaal waxaan ogahay in kuwa Ilaha ka cabsada oo hortiisa ka baqaa ay nabdoonaan doonaan.¹³ Laakiinse sharrowgu ma nabdoonaan doono, oo cimrigiisuna sii ma raagi doono sida hooska baabba'u uusan u raagin, maxaa yeelay, isagu Ilaha hortiisa kama cabsado.¹⁴ Waxaa jira wax aan waxba tarayn oo dhulka lagu sameeyo, waana inay jiraan kuwa xaqaa ah oo ay wax ku dhacaan sida shuqulka kuwa sharka ah, oo haddana ay jiraan kuwa sharka ah oo ay wax ku dhacaan sida shuqulka kuwa xaqaa ah. Oo waxaan idhi, Taasuna waa wax aan waxba tarayn.¹⁵ Markaasaan farax u bogay, maxaa yeelay binu-aadmigu inta qorraxda ka hoosaya kuma haysto wax uga wanaagsan inuu wax cuno, oo wax cabbo, oo uu iska farxo, waayo, taasaa isaga raacaysa intuu hawshoodo cimrigiisa Ilaha qorraxda hoosteeda ku siyo.

¹⁶ Markaan qalbigayga u soo jeedshay inaan xigmad garto, iyo inaan arko hawsha dhulka lagu sameeyo (waayo, waxaa jira mid aan habeen iyo maalin toona indhihiisa hurdo saarin),¹⁷ markaasaan shuqulka Ilaha oo dhan fiiriyey, oo gartay inaan binu-aadmigu karin inuu soo wada ogaado shuqulka qorraxda hoosteeda lagu sameeyo oo dhan, maxaa yeelay, in kastoo laysku dhibo in la soo ogaado, haddana taas innaba lama soo heli karo, oo weliba xataa haddii nin xigmad lahu uu u maleeyo inuu soo ogaado, haddana soo ma uu ogaan kari doono.

Qaddarta Guud Ee Dadka

9 Waxyaalahan oo dhan qalbigaygaan kaga fiirsaday si aan u baadho in kuwa xaqaa ah iyo kuwa xigmadda leh, iyo shuqulladooduba ay gacanta Ilaha ku jiraan. Binu-aadmigu garan maayo inay jacayl tahay iyo inay nacayb tahay toona. Wax waluba iyagay ka horreeyaan.² Wax kastaaba isku si bay dadka oo dhan ugu yimaadaan, oo isku wax baa ku dhaca ka xaqaa ah iyo ka sharka ahba, ka wanaagsan iyo ka xunba, ka nadiifta ah iyo ka aan nadiifta ahaynba, ka allabariga bixiya iyo ka aan allabariga bixinba. Sida kan wanaagsanu yahay ayaa dembiluhuna yahay, oo ka dhaartaana waa la mid kan dhaarta ka cabsada.³ Wax xun baa ku jira waxa qorraxda hoosteeda lagu sameeyo oo dhan, waana in isku wax ay dadka oo dhan ku dhacaan. Oo weliba qalbiga binu-aadmiga shar baa ka buuxa, oo qalbigoodana intay nool yihiin waallii baa ku jirta, oo taas dabadeedna kuwii dhintay ayay u tagaan.⁴ Kii kuwa nool oo dhan la jira rajuu leeyahay, waayo, eeygii noolu waa ka wanaagsan yahay libaax dhintay.⁵ Waayo, kuwa noolu way og yihiin inay dhiman doonaan, laakiinse kuwii dhintay waxba ma oga, oo innaba abaalgud dambe ma heli doonaan, waayo, iyaga waa la illoobay.⁶ Oo weliba jacaylkoodii iyo nacaybkoodii iyo hinaasiddoodiiba way wada baabbe'een, oo innaba qayb dambe kuma lahaan doonaan waxa qorraxda hoosteeda lagu sameeyo oo dhan.

⁷Orod oo tag, oo kibistaada farxad ku cun, oo khamrigaagana qalbi istareexsan ku cab, waayo, Ilaha shuqulladaadii horuu u aqbalay.⁸ Had iyo goorba dharkaagu wax cad ha ahaado, oo madaxaaguna yuusan saliid waayin.⁹ Naagtaada aad jeceshahay farxad kula noolow intaad ku nooshahay cimrigaaga

aan waxba tarayn ee Ilaha qorraxda hoosteeda kugu siiyey oo dhan, waayo, taasu waa qaybtadii aad ku heshay noloshaan iyo hawshaadii aad qorraxda hoosteeda ku dhibtootay.

¹⁰ Wax alla wixii gacantaadu hesho inay samayso xooggaaga oo dhan ku samee, waayo, She'ool oo aad tegaysid shuqul iyo hindiso iyo aqoon iyo xigmad toona laguma arko.

¹¹ Markaasaan mar kale fiirsaday, oo waxaan qorraxda hoosteeda ku arkay inaan kuwa dheereeyaa mar kasta tartanka ku badin, ama aan kuwa xoogga badanu mar kasta dagaalka adkaan, ama aan kuwa xigmadda lahu mar kasta kibis helin, ama aan kuwa garaadka ahu mar kasta hodan noqon, ama aan saanacyada mar kasta raalli laga ahayn, laakiinse waxaa kulligood hela wakhti iyo nasiib.¹² Waayo, ninna wedkiisa ma yaqaan. Sida kalluun shabag xun lagu qabto, iyo sida shimbirro dabin ku dhaca, saasoo kalaa binu-aadmigana wakhti xun lagu dabaa, markii wedku si kedis ah ugu yimaado.

Xigmaddu Way Ka Wanaagsantahay Nacasnimada

¹³ Oo xigmad caynkan ah ayaan qorraxda hoosteeda ku arkay, iyanan way ila weynayd.¹⁴ Waxaa jirtay magaalo yar oo ay dad tiro yaru dhexdeeda joogaan, oo waxaa iyadii ku soo duulay boqor weyn. Wuu hareereeyey oo dhufayso waaweyn hareereeeda ka dhistay.¹⁵ Haddana waxaa laga dhex helay nin miskiin ah oo xigmad leh, oo isna xigmaddiisii ayuu magaaladii ku samatabbixiyey, laakiinse haddana ninkaas miskiinka ah ciduna ma xusuusan.¹⁶ Markaasaan idhi, Xigmaddu xoogga way ka fiican tahay, hase ahaatee ninkii miskiin ah xigmaddiisa waa la quudhsadaa, oo erayadiisana lama dhegysto.¹⁷ Kuwa xigmadda leh erayadoodii xasilloonaan lagu maqlaa waa

ka sii wanaagsan yihiin qaylada kan nacasyada ka dhex taliya.

¹⁸ Xigmaddu waa ka fiican tahay hubka dagaalka, laakiinse dembile qudha ayaa wax badan oo wanaagsan baabbi'iya.

10 Diqsiyadii dhintay saliidda cadarsameeyaha way qudhmiyaan, oo nacasnimadii yaruna saasoo kalay kan xigmadda loo sharfo u bi'isaa.¹ Ninkii xigmad leh qalbigisu xagga midigtu u jeedaa, laakiinse nacaska qalbigisu xagga bidixduu u jeedaa.² Oo weliba kan nacaska ahu markuu jidka marayo wuu caqli yaraadaa, oo ku alla kii uu arkaba wuxuu u sheegaa inuu nacas yahay.

³Haddii taliyahu kugu dhirfo, meeshaada ha ka dhaqaaqin, waayo, qalbiqabowgu xumaano waaweyn wuu qabowjiyaa.⁴ Waxaa jira wax shar ah oo aan qorraxda hoosteeda ku arkay, waxaana weeye qalad taliyaha ka yimaada.⁵ Nacasnimadu waxay joogtaa meelo sarsare oo waaweyn oo taajiriintuna waxay fadhiyaan meel hoose.⁶ Waxaan arkay addoommo fardo fuushan, iyo amiirro sida addoommo oo kale lugaynaya.⁷ Kii god qodaa isagaa ku dhici doona, oo ku alla kii deyr dumiyana abeesaa qaniini doonta.⁸ Ku alla kii dhagaxyo rujuyaaba wuu ku dhaawacmi doonaa, oo kii qoryo jejebiyaana isagaa khatar ku geli doona.⁹ Haddii birtu af beesho, oo aan la soofayn, waa in xoog badan lagu sii kordhiyaa, laakiinse xigmaddu faa'iido bay leedadahay si loogu liibaano.¹⁰ Haddii abeeso wax qaniinto iyadoo aan la falfalin, markaas ka dib falfalowgu waxtar ma leh.¹¹ Kii xigmad leh erayada afkiisu waa raxmad miidhan, laakiinse bushimaha nacasku isaga qudhisiy baabbi'iyaan.¹² Erayada afkiisa bilowgoodu waa nacasnimo, oo dhammaadka hadalkiisuna waa waallii baas.¹³ Nacasku hadalkiisa wuu badiyaa, waxa ahaan doona

binu-aadmigu garan maayo, oo waxa dabadiis dhici doonana bal yaa u sheegi kara? ¹⁵Nacasyada hawhoodu midkood kastaba way daalisaa, maxaa yeelay, isagu xataa sida magaalada loo tago ma yaqaan. ¹⁶Dalkow, adaa iska hoogay, markii boqorkaagu ilmo yar yahay, oo amiirradaaduna ay aroortii wax cunaan! ¹⁷Dalkow, waad barakaysan tahay, markii boqorkaagu nin gobeed yahay, oo amiirradaaduna ay wakhti habboon wax u cunaan inay xoog ku yeeshaan ee aan ahayn inay sakhraamaan! ¹⁸Caajisnimo badan saqafku waa ku dumaa, oo shuqulla'aanta gacmahana gurigaa ku darroora. ¹⁹Diyaafadda waxaa loo dhigaa qosol aawadiis, khamriguna naftuu u raaxeyaa, oo lacagtii wax kastaba way ka jawaabtaa. ²⁰Boqorka ha ku caayin xataa fikirkaga, oo taajirkana ha ku caayin qoiladdaada jiifka, waayo, shimbir hawada duusha ayaa codkaaga qaadi doonta, oo wax baalal leh ayaa xaalka sheegi doona.

Kibis Biyo Dul Taal

11 Kibistaada biyaha korkooda ku tuur, waayo, maalmo badan dabadood waad heli doontaa. ²Oo toddoba qaybood u kala qaybi iyo weliba siddeed, waayo, masiibada dhulka iman doonta garan maysid. ³Haddii daruuruhu roob ka buuxsamaan, dhulkay ku soo daataan, oo haddii geed xagga koofureed amase xagga woqooyi u dhaco, meeshuu u dhacay ayuu olli doonaa. ⁴Kii dabaysha eegaa waxba ma uu beeraan doono, oo kii daruuraha fiiriyaana waxba ma goosan doono. ⁵Sida aadan dabaysha jidkeeda u garanayn, ama aadan sida lafuhu ugu dhex samaysmaan naag uur leh maxalkeed u garanayn, saas oo kale ayaadan shuqulka lilaaha wax walba sameeya u garanayn. ⁶Iniinahaaga aroorta beero, oo

fidkana gacantaada ha ceshan, waayo, innaba garan maysid mid libaani doona, kan ama kaas, iyo inay labadooduba isku si u wanaagsanaan doonaan iyo in kale.

Xusuuso Abuurahaaga Inta Aad Dhallinyar Tahay

⁷Sida runta ah iftiinku waa macaan yahay, oo indhahana way u wanaagsan tahay inay qorraxda arkaan. ⁸Haddii nin sannado badan noolaado, kulligood ha ku farxo, laakiinse ha xusuusto maalmaha gudcurka, waayo, iyagu way badnaan doonaan. Wixa imanaya oo dhammu waa wax aan waxba tarayn.

⁹Barbaarkow, barbaarnimadaada ku farax, oo wakhtiga dhallinyaranimadaadana qalbigaagu ha ku istareexyo, oo sida qalbigaagu doonayo oo ay indhahaagu arkaanba u soco, laakiinse waxaad ogaaataa in Ilaah waxyaalahas aawadood oo dhan kuu xukumi doono. ¹⁰Haddaba sidaa daraaddeed qalbigaaga murugta ka durki, oo jidhkaagana xurhaanta ka fogee, waayo, carruurnimada iyo dhallinyaranimaduba waa wax aan waxba tarayn.

12 Haddaba wakhtiga dhallinyaranimadaada Abuurahaaga xusuuso intaan maalmaha xumu kuu iman, ama ayan kuu soo dhowaan sannadaha aad odhan doonto, Sannadahan kuma istareexo, ²iyo intaan qorraxda, iyo iftiinka, iyo dayaxa, iyo xiddiguhuba ay wada madoobaan, ama intaan daruuruhu roobka ka daba noqon, ³iyo inta kuwa guriga dhawraa ay gariiraan, oo nimanka xoogga badanuna ay soogotaan, oo kuwa wax shiidaana ay tiradooda yar aawadeed shuqulka u joojiyaan, oo kuwa daaqadaha wax ka fiiriyaana ay madoobaadaan, ⁴iyo inta alaababbada jidatka lagu xidho, iyo

inta sanqadha shiiddu ay gaaban tahay, oo shimbirta cideeda lagu tooso, oo gabdhaha muusikaduna ay wada taag darnadaan. ⁵Waxa sarreeya ayay ka baqi doonaan, oo jidatka dhedoodana waxyaalo cabsi ah ayaa jiri doona, oo geedka yicibtu waa ubxin doonaa, oo koronkorraduna way isculaysin doonaan, oo damacuna wuu baabbi'i doonaa, maxaa yeelay, binu-aadmigu wuxuu tagaa hoygiisa daa'imka ah, oo kuwa baroortaana jidatkay warwareegaan.

⁶Abuurahaaga xusuuso intaan xadhigga lacagta ahu kala go'in, ama aan maddiibadda dahabka ahu kala jabin, ama aan jalxaddu isha biyed agteeda ku burburin, ama aan giraangirta ceelku jabin, ⁷iyo intaan ciiddu dhulka ku noqon siday horeba ahayd, oo ruuxuna ku noqon Ilaahii horeba siiyey. ⁸Wacdiyahu wuxuu leeyahay, Waa wax aan waxba tarayn, wax waluba waa wax aan waxba tarayn.

Soo Koobiddii Xaalka

⁹Oo haddana wacdiyuhu xigmad buu lahaa, oo weliba dadkuu aqoon baray. Wuxuu aad uga fikiray, oo baadhay, oo isku hagaajiyey maahmaahyo badan. ¹⁰Wacdiyuhu wuxuu doonay inuu soo helo erayo la aqbaloo iyo wixii si qumman loo qoray oo ahaa hadal run ah.

¹¹Erayada kuwa xigmadda lahu waa sida wax wax muda oo kale, oo maahmaahyada la soo ururshayna waa sida musmaarro la adkeeey; adhijir qudha ayaa bixiye. ¹²Oo weliba, wiilkaygiyow, waxyaalahan ku waano qaado. Buugag badan samayntoodu innaba dhammaad ma leh, oo waxbarashada badanuna jidhkay daalisaan.

¹³Xaalkan soo koobiddiisii waa tan. Waa la wada maqlay. Ilaah ka cabso, oo amarradiisana dhawr, waayo, taasu waa waxa binu-aadmiga oo dhan u gudboon. ¹⁴Waayo, Ilaah wuu xukumi doonaa shuqul kasta, iyo wax kasta oo qarsoon, ha fiicnaadeen ama ha xumaadeene.

GABAYGII SULAYMAAN

1 Kanu waa gabaygii gabayada ee Sulaymaan.

Gacalisada Hadlaysaa

- ² Isagu ha igu dhunkado dhunkashooyinka afkiisa; Waayo, jacaylkaagu xataa khamri wuu ka sii macaan yahay.
- ³ Saliiddaadu caraf wanaagsan bay leedahay, Oo magacaaguna waa sida saliidcadar la shubay, Oo sidaas daraaddeed baa habluhu kuu jecel yihiin.
- ⁴ I soo jiido, waannu kaa daba ordynaaye. Boqorkii wuxuu i soo gelyey qolladihiisii.

Saxiibadaha Hadlayaa

Annagu waannu kugu farxi doonaa, oo waannu kugu rayrayn doonaa, Oo jacaylkaagana waxaannu u sii xusuusan doonaa in khamri ka sii badan.

Gacalisada Hadlaysaa

- Si qumman ayay kuu jecel yihiin.
- ⁵ Gabdhaha reer Yeruusaalemow, Anigu waan madoobahay, laakiinse waan u qurxoonaahay Sida teendhooyinkii reer Qedaar Iyo sida daahyadii Sulaymaan.
- ⁶ Ha ii soo dhuganina madowgaya qorraxdu i gubtay aawadiis.

Wiilashii hooyaday ayaa ii cadhooday, Oo waxay iga dhigeen ilaaliyihii beeraha canabka ah, Laakiinse beertayda canabka ah ma aan dhawrayn.

⁷ Kan naftaydu jeceshahayow, ii sheeg Meesha aad adhigaaga daajisid, iyo meesha aad hadhkii hadhisid; Waayo, bal maxaan u ahaanayaa Sida mid ag wareegta adhyaha saaxiibbadaa?

Saxiibadaha Hadlayaa

⁸ Taada naagaha ugu qurux badanay, haddaadan aqoon, Waxaad daba gashaa adhiga raadkiisa, Oo waxaad waxaraahaaga ag daajisaa teendhooyinka adhijirrada.

Gacaliyaha Hadlayaa

⁹ Taan jeclahayay, waxaan kugu masaalay Faras ka mid ah fardihii gaadhifardoodyadii Fircoon.

¹⁰ Dhabannadaadu waxay la qurxoonaahay Sida teendhooyinkii reer Qedaar Iyo sida daahyadii Sulaymaan.

¹¹ Waxaannu kuu samaynaynaa silsilado dahab ah Oo lacag laga taagay.

Gacalisada Hadlaysaa

- ¹² Inta boqorku miiskiisii fadhiyey, Ayaa cadarkaygii naaradiinka ahaa caraftisu soo baxday.
- ¹³ Gacaliyahaygu wuxuu ii yahay sida guntin malmal ah Oo habeenkii oo dhan naasahayga ku dhex jirta.
- ¹⁴ Gacaliyahaygu wuxuu ii yahay sida xidhmo ubax xinne ah Oo beeraha canabka ah ee Ceyn Gedii ku yaal.

Gacaliyaha Hadlayaa

¹⁵ Taan jeclahayay, bal eeg, adigu waad qurxoonaahay, Oo waxaad leedahay indhaha qoolleyda oo kale.

Gacalisada Hadlaysaa

¹⁶ Gacaliyahaygow, bal eeg, adba waad qurxoonaahay, waanad wacan tahay, Oo weliba sariirteennuna waa cagaar.

Gacaliyaha Hadlayaa

¹⁷ Alwaaxda gurigeennu waa qoryo kedar ah, Oo saqafkeennuna waa qoryo beroosh ah.

Gacalisada Hadlaysaa

- 2** Anigu waxaan ahay ubaxnarjiska Shaeroon, Iyo ubaxshooshanka dooxooyinka.

Gacaliyaha Hadlayaa

² Sida ubaxshooshanku qodxanta ku dhex yahay, Ayay taan jeclahayna gabdhaha ku dhex tahay.

Gacalisada Hadlaysaa

³ Sida geedka tufaaxa ahu uu dhirta duurka ku dhex yahay, Ayuu gacaliyahayguna wiilasha ku dhex yahay. Hooskiisaan fadhiistay anigoo aad u faraxsan,

Oo midhihiisuna way ila dhadhan macaanaayeen.

- ⁴ Wuxuu i keenay guriga diyaafadda, Oo calankiisii i kor sudhnaanaa wuxuu ahaa jacayl.

⁵ Sabiib igu quudi, oo tufaax igu noolee, Waayo, anigu caashaq baan la bukaa.

- ⁶ Gacantiisa bidix madaxaygay ka hoosaysaa, Oo gacantiisa midigna way igu duuban tahay.

⁷ Gabdhaha reer Yeruusaalemow, waxaan idinku dhaarinayaa Cawsha iyo deerada duurka Inaydaan jacayl kicin, ama aydaan toosin Ilaa uu doono.

- ⁸ Waa kaa codkii gacaliyahaygu! Bal eega, wuu soo socdaa, Isagoor buuraha korkooda ku soo boodboodaya, oo kuraha dushooda ku faclaysaya.

⁹ Gacaliyahaygu waa sida cawl ama deer qayrab ah oo kale. Bal eega, wuxuu taagan yahay derbigayaga gadaashiisa, Oo daaqadahuu ka soo eegaya, oo shabagguu ka soo dayaya.

- ¹⁰ Markaasaa gacaliyahaygii ila hadlay oo wuxuu igu yidhi, Taan jeclahayay, soo kac, taydan qurxoonaahay i soo raac.

¹¹ Waayo, qabowgii wuu na dhaafay, Oo roobkiina wuu dhammaaday, wuuna qaaday,

- ¹² Ubaxii dhulkuu ka muuqanayaa, Oo wakhtigii shimbirruhu gabiy jireenna waa la gaadhay, Oo codkii qoolleydana dalkayagaa laga maqlayaa.

¹³ Berduhu midhihiisuu soo bixinayaa, Oo geedaha canabkuna way ubxinayaan, Wayna soo carfayaan. Taan jeclahayay, soo kac, taydan qurxoonaahay i soo raac.

Gacaliyaha Hadlayaa

- ¹⁴ Qoolleydayda qararka
dillaacyadooda iyo meelahooda
qarsoon ee dalcad ah ku jirta,
Bal jaahaaga i tus, oo codkaaga i
maqashii,
Waayo, codkaagu wuu macaan
yahay, oo jaahaaguna wuu
surad wacan yahay.
¹⁵ Dawacooyinka noo qabta,
kuwaasoo ah dawacooyinka
yaryar ee beerahayaga
canabka ah bi'ya,
Waayo, beerahayaga canabka
ahu haatan way ubxinayaan.

Gacalisada Hadlaysaa

- ¹⁶ Gacaliyahaygu waa kaygii oo
anna tiisii baan ahay.
Wuxuu adhigiisa daajinayaa
ubaxyada dhexdooda.
¹⁷ Ilaa waagu baryo, oo hoosku
baabba'o,
Gacaliyahaygiiyow, soo noqo, oo
ahow sida cawl oo kale, amase
sida deer qayrab ah
Oo buuraha Beter kor jooga.

3 Goor habeennimo ah ayaan
sariirtaya ka doonoonay kan
naftaydu jeceshahay.

Waan doonoonay, laakiinse ma
aan helin.

- ² Haddaba waan kacayaa, oo
magaaladaan dhex wareegayaa,
Oo dariiqyada iyo jidadka
waaweyn

Ayaan ka dhex goobayaa kan
naftaydu jeceshahay.

Waan doonoonay laakiinse ma
aan helin.

- ³ Waxaa i helay waardiyayaashii
magaalada dhex
warwareegayay,

Oo anna waxaan ku idhi, Kan
naftaydu jeceshahay ma
aragteen?

- ⁴ Oo kolkaan iyagii in yar sii
dhaafay

Ayaan helay kii naftaydu
jeceshahay.

Waan qabtay, mana sii dayn,

- Ilaa aan isaga gurigii hooyaday
keenay,
Oo aan qolladdii tii i uuraysatay
geliyey.
⁵ Gabdhaha reer Yeruusaalemow,
waxaan idinku dhaarinayaa
Cawsha iyo deerada duurka
Inaydaan jacayl kicin ama
aydaan toosin
Ilaa uu doono.
⁶ Waa kuma kan cidlada uga soo
baxaya sida tiirar qiiq ah?
Oo ay malmalka, iyo fooxa,
Iyo dhirta udgoon ee
baayacmushtariga oo dhammu
ka carfayaan?
⁷ Bal eeg, waa sariirta Sulaymaan
lagu qaadee.
Lixdan nin oo xoog badan oo ka
mid ah kuwa xoogga badan ee
reer binu Israa'iil
Ayya hareereeeda ku wareegsan.
⁸ Kulligood seefta aad bay u
yaqaaniin, waana wada
dagaalyahan.
Ninkood kastaba seeftiisi
dhexday ugu xidhan tahay,
Cabsida habeenka aawadeed.
⁹ Boqor Sulaymaan wuxuu kursi la
qaado
Ka samaystay qoryihii Lubnaan.
¹⁰ Tiirkiiisii lacag buu ka dhigay,
Hoostiisiina dahab buu ka dhigay,
oo meeshuu fadhiistayna
guduud buu ka dhigay,
Oo dhexdiisiina gabdhaha reer
Yeruusaalem ayya jacayl ku
sharraxay.
¹¹ Gabdhaha reer Siyonow, bal baxa,
oo Boqor Sulaymaan eega,
Isagoo qaba taajkii hooyadiis
madaxa u saartay maalintii
arooskiisa,
Iyo maalintii qalbigiisu faraxsanaa.

Gacaliyaha Hadlayaa

- 4** Taan jeclahayay, bal eeg, adigu
waad qurxoon tahay, bal eeg,
waad qurxoon tahay,
Oo waxaad leedahay indhaha
qoolleyda oo kale oo
indhashareertaada ku qarsoon.

- Timahaaguna waa sida riyo
Buur Gilecaad ka muuqda.
² Ilkahaaguna waa sida laxo loo
xiiray,
Oo ka soo baxay meeshii lagu
soo maydhay,
Oo middood kastaaba mataano
dhashay,
Oo aan dhexdooda lagu arag
mid dhicisay.
³ Bushimahaagu waa sida dun
guduudan,
Oo afkaaguna waa qurxoon
yahay,
Oo dhafoorradaada
indhashareertaada ku
qarsoonuna waa sida xabbad
rummaan ah jeexeed.
⁴ Qoortaduna waa sida
munaaraddii Daa'uud oo
loo dhisay inay ahaato meel
hubka dagaalka la dhigto,
Oo ay sudhan yihiin kun
gaashaan,
Oo ah gaashaammadii ragga
xoogga badan oo dhan.
⁵ Oo labadaada naasna waa sida
laba gibin oo mataano ah oo
cawl dhashay.
Oo ubaxshooshannada
dhexdooda daaqaya.
⁶ Ilaa waagu baryo, oo hoosku
baabba'o,
Waxaan u kici doonaa buurta
malmalka,
Iyo kurta fooxa.
⁷ Taan jeclahayay, adigu waad
qurxoon tahay,
Oo innaba iin ma lihid.
⁸ Aroosaddaydiiyey, Buur Lubnaan
iga soo raac,
Oo kaalay, Buur Lubnaan iga soo
raac.
Buur Amaanaah dhaladeeda wax
ka fiiri,
Oo Buur Seniir iyo Buur
Xermoorn dhaladooda wax ka
fiiri,
Oo wax ka soo fiiri boholaha
libaaxyada,
Iyo buuraha shabeelladaba.

⁹ Walaashayay, aroosaddaydiiyey,
qalbigaygii waad la tagtay,
Oo waxaad qalbigayga kula
tagtay daymooyinka
indhahaaga middood
Iyo laasimmada qoortaada
midkood.

¹⁰ Walaashayay, aroosaddaydiiyey,
jacaylkaagu qurux badanaa!
Oo jacaylkaagu intee buu khamri
ka sii fiican yahay!
Oo saliiddaada carafteeduna way
ka fiican tahay dhirta udgoon
oo dhan.

¹¹ Aroosaddaydiiyey,
bushimahaaga malab baa ka
soo tiftifqaya,
Oo carrabkaaga hoostiisana
malab iyo caanaa ku jira.

Oo dharkaaga caraftiisuna waa
sida carafta Buur Lubnaan.

¹² Walaashayay, aroosaddaydiiyey,
waxaad tahay sida beer la
xidhay,
Iyo ilbiyood la awday, iyo durdur
la xidhay.

¹³ Dhirtaadu waa beer ay ku
dhex yaalliiin rummaan, iyo
dhir kale oo midho aad u
wanaagsan,

Iyo xinne iyo naaradiin,

¹⁴ Naaradiin iyo huruud,
Iyo kalamus iyo qorfe, iyo dhir
kasta oo foox dhasha,
Iyo malmal iyo cuud iyo dhir
udgoon oo fiican oo dhan.

¹⁵ Waxaad tahay ilbiyood beero
waraabisaa,
Iyo ceel biyo nool leh,
Iyo durdurro Buur Lubnaan ka
soo qulqulaya.

Gacalisada Hadlaysaa

- ¹⁶ Dabaysha woqooyay, soo kac, oo
tan koonfureeday, kaalay,
Oo beertayda necaw ku afuufa si
ay dhirteeda udgoonu uga soo
carfaan,
Gacaliyahaygu beertiisa ha soo
galo oo midhaheeda wacan ha
cuno.

Gacaliyaha Hadlayaa

5 Walaashayay, aroosaddaydiiyey, beertaydii waan soo dhex galay. Malmalkaygiina dhirtaydii udgoonayd baan la gurtay, Oo awlalladaydii shinniyeed iyo malabkaygiina waan cunay, Khamrigaygii iyo caanahaygiina waan cabbay,

Saaxiibadaha Hadlayaa

Saaxiibbadayow, wax cuna, Wax cabba, gacaliyayaalow, aad u cabba.

Gacalisada Hadlaysaa

² Anigu waan hurday, laakiinse qalbigaygu waa soo jeeday. Wuxaan maqlay codkii gacaliyahaayga oo albaabka garaacaya, isagoo leh, Walaashayay, taan jeclahayay, qoolleydaydiiyey, tayda sanay, iridda iga fur, Waayo, madaxayga waxaa ka buuxa dharab, Oo timahaygana waxaa qoyay dhibicyihii habeennimada.

³ Dharkaygii waan iska bixiyey, bal sidee baan u xidhaa? Oo cagahaygiina waan maydhay, bal sidee baan u wasakheeyaa?

⁴ Gacaliyahaygii wuxuu gacantiisii ka soo dusiyey daloolkiik albaabka,

Oo qalbigaygu isaguu u dhaqaqaqay.

⁵ Wuxaan u sara joogsaday inaan gacaliyahaayga iridda ka furo, Oo gacmahaygana waxaa ka daadanayay malmal, Farahaygana malmalku Wuxuu kaga tiftifqay qataarkii albaabka.

⁶ Gacaliyahaygii waan ka furay, Laakiinse gacaliyahaygii wuu iska noqday, wuuna tegey. Naftaydii markuu hadlay way naxday.

Isagaan doondoornay, laakiinse waan heli kari waayay.

Waan u dhawaaqay, laakiinse innaba iima uu jawaabin.

⁷ Oo waardiyayaashii magaalada dhex warwareegayay ayaa i helay

Wayna i garaaceen oo i dhaawaceen.

Oo kuwii derbyada dhawrayay ayaa garbasaartaydii iga qaaday.

⁸ Gabdhaha reer Yeruusaalemow, Wuxaan idinku dhaarinayaa, haddaad gacaliyahaygii aragtaan, U sheega inaan caashaq la buko.

Saaxiibadaha Hadlayaa

⁹ Gacaliyahaagu muxuu gacaliye kale dheer yahay, Taada naagaha ugu qurxoonyay? Bal gacaliyahaagu muxuu gacaliye kale dheer yahay, Waadigaa sidan noo dhaarinayee?

Gacalisada Hadlaysaa

¹⁰ Gacaliyahaygu waa cad yahay oo waa casaan.

Waana kan tobant kun ugu wanaagsan.

¹¹ Madaxisu waa sida dahab saafi ah, Oo timihiisuna waa sida cawbaar, oo waxay u madow yihiin sida tuke oo kale.

¹² Indhihiisu waa sida indho qoolley oo durdur biya ah ag joogta, Oo caano lagu maydhay oo si qumman loo dhigay.

¹³ Dhabannadiisu waa sida beer dhir udgoon ah iyo sida ubaxyo carfa. Oo bushimihiisuna waa sida ubaxshooshanno uu malmal ka tiftifqayo.

¹⁴ Gacmihiisu waa sida kaatummo dahab ah oo berullos lagu dhejiyey, Oo jidhkiisuna waa sida foolmaroodi oo dhalaalaya oo safayr lagu sharraay.

¹⁵ Lugihiisu waa sida tiirar marmar ah, oo lagu qotomiyey saldhigyo dahab saafiya ah, Oo muuqashadiisuna waa sida Buur Lubnaan oo kale, oo wuxuu u qurxoonyahay sida geedaha kedarka oo kale.

¹⁶ Afkiisu aad iyo aad buu u macaan yahay, oo isaga dhammaantiis waa mid aad loo jecel yahay.

Gabdhaha reer Yeruusaalemow, Kaasu waa gacaliyahayga, waana saaxiibkayga.

Saaxiibadaha Hadlayaa

6 Taada naagaha u qurxoonyay, Xaggee gacaliyahaagii tegey? Aannu kula goobnee, Xaggee buu gacaliyahaagii u leexday?

Gacalisada Hadlaysaa

² Gacaliyahaygii wuxuu u dhaadhacay beertiisa, iyo beer qaybaheed oo dhir udgoon ah Inuu adhigiisa soo daajiyoo beeraha dhexdooda, oo uu soo urursado ubaxshooshanno.

³ Anigu waxaan ahay tii gacaliyahayga, oo gacaliyahayguna waa kaygii, Oo wuxuu adhigiisa daajiyaa ubaxshooshannada dhexdooda.

Gacaliyaha Hadlayaa

⁴ Taan jeclahayay, waxaad u qurux badan tahay sida Tirsaa oo kale,

Oo waxaad u suurad wakan tahay sida Yeruusaalem oo kale,

Waxaana lagaaga cabsadaa sida ciidan calammo sita oo kale.

⁵ Indhahaaga iga sii jeedi, Waayo, way iga adkaadeen.

Timahaagu waa sida riyo Buur Gilecaad ka muuqda.

⁶ Ilkhaaguna waa sida laxo Ka soo baxay meeshii lagu soo maydhay,

Oo middood kastaaba mataano dhashay,

Oo aan dhexdooda lagu arag mid dhicisay.

⁷ Oo dhafoorradaada indhashareertaada ku qarsoonuna waa sida xabbad rummaan ah jeexeed.

⁸ Waxaa jira lixdan boqoradood, iyo siddeetan naagood oo addoommo ah,

Iyo gabdho aan tiro lahayn.

⁹ Laakiinse qoolleydayda, iyo tayda sanu waa mid qudha. Iyadu waa tan keliya ee hooyadeed,

Oo waa tan daahirsan ee tii iyada dhashay.

Gabdhuhu iyaday arkeen oo waxay ku sheegeen mid barakaysan, Oo xataa boqoradiihii iyo naagihii addoommaha ahaaba way ammaaneen.

Saaxiibadaha Hadlayaa

¹⁰ Waa tuma tan u soo muuqata sida kaaha waaberiga, Oo sida dayaxa u qurxoonyay, Ee sida qorraxda u daahirsan, Oo haddana looga cabsado sida ciidan calammo sita oo kale?

Gacaliyaha Hadlayaa

¹¹ Wuxaan ku dhaadhacay beertiis yicibta Inaan soo arko geedaha cagaarka ah ee dooxada, Iyo inaan soo arko bal in canabkii magoolay, Oo uu rummaankii ubxiyey iyo in kale.

¹² Anigoo aan garanayn ayaa nafsaddaydu iga dhigtay sida gaadhifardoodkii Cammiinaadiib oo kale.

Saaxiibadaha Hadlayaa

¹³ Tan reer Shuuleemay, soo noqo, soo noqo, Aan ku daawannee soo noqo, soo noqo.

Gacaliyaha Hadlayaa

Bal maxaad u daawanaysaan tan
reer Shuuleem
Sida cayaarta Maxanayim?

7 Gabadha amiirku dhalayay,
cagahaagu qurux badanaa
markay kabo illan yihiiin,
Bowdooyinkaagu waa sida dahab
Nin saanac ahu gacantiisa ku
sameeyey.

2 Xudduntaadu waa sida fijaan
goobaaban
Oo aan innaba khamri ka
dhinnanayn,
Oo xaluskaaguna waa sida
sarreen meel tuunsan
Oo ubaxshooshanno lagu wareejiyey.

3 Labadaada naasna waa sida laba
gibin
Oo mataano ah oo cawl dhashay.
4 Qoortaaduna waa sida munaarad
foolmaroodi ah,
Oo indhahaaguna waa sida
ballidii Xeshboon oo ku ag
yaal iridda Batrabbium.
Oo sankaaguna waa sida
munaaradda Lubnaan
Oo xagga Dimishaq u jeeda.

5 Madaxagu sida Buur Karmel oo
kale wuu dheer yahay,
Oo timaha madaxaaguna waa
sida guduud oo kale,
Oo bogorkuna wuu ku xidhan yahay.

6 Taan jeclahayay, qurux badnidaa!
Fiiicnaan badnidaa! Aad baad
iiga farxisaa!

7 Sarajooggaagu waa sida geed
baar ah,
Oo naasahaaguna waa sida
rucubyo canab ah.

8 Waxaan is-idhi, Geedka baarka
waan fuuli doonaa,
Oo waxaan qabsan doonaa
laamiiisa.

Naasahaagu ha ahaadeen sida
rucubyo canab ah,
Oo sankaaga neeftiisuna ha u
carafsto sida midho tufaax ah.

9 Oo afkaaguna ha ahaado sida
khamri wanaagsan.

Gacalisada Hadlaysaa

Si qumman oo macaan ha ugu
socda gacaliyahayga,
Oo kuwa hurda bushimahooda
ka hadliya.

10 Anigu waxaan ahay tii
gacaliyahayga,
Oo damaciisuna xaggayguu soo jiraa.

11 Gacaliyahaygow, kaalay, aynu
duurka isla tagnee,
Oo aynu tuulooyinka ku soo
dhaxnee.

12 Aynu aroor hore beercanabyada
tagnee,
Oo aynu soo aragno bal in
canabkii magoolay, oo ay
ubixiisii soo muuqdeen,
Oo uu rummaankii ubxiyey iyo
in kale;
Oo halkaasaan jacaylkayga kugu
siin doonaa.

13 Ubixii duudaygu way soo carfayaan,
Oo albaabbadayada agtooda
waxaa yaal midho cayn kasta
ah oo cusayb iyo duugba leh,
Oo adigaan kuu kaydiyey,
gacaliyahaygiiyow.

8 Haddaad ahaan lahayd walaalkay
Oo naasihi hooyaday nuugay,
Markaan dibadda kaa helaba
waan ku dhunkan lahaa.
Oo innaba layma quudhsadeen.

2 Waan ku soo kaxayn lahaa oo
waxaan ku gelin lahaa guriga
hooyaday,

Wax baadna i bari lahayd.
Oo waxaan ku cabsiin lahaa
khamriga xawaashka leh
Ee biyaha rummaankayga laga
sameeyey.

3 Gacantiisa bidix madaxaygay ka
hoosayn lahayd,
Oo gacantiisa midigna way isku
kay duubi lahayd.

4 Gabdhaha reer Yeruusaalemow,
waxaan idinku dhaarinayaa
Inaydaan jacayl kicin, ama
aydaan toosin,
Ilaa uu doono.

Saaxiibadaha Hadlayaa

5 Waa tuma tan cidlada ka soo
baxaysa,
Ee gacaliyeheeda ku tiirsanu?

Gacalisada Hadlaysaa

Waxaan kaa soo kiciyey geed
tufaax ah hoostiis.

Halkaasaan hooyadaa kugu
foolatay,
Oo halkaasay tii ku dhashay
kugu foolatay.

6 Qalbigaaga korkiisa ii dhig
sida shaabad oo kale, oo
gacantaada korkeeda ii dhig
sida shaabad oo kale,
Waayo, jacaylku wuxuu u xoog
badan yahay sida geeri oo
kale,

Oo masayrkuna wuxuu u nac
weyn yahay sidii She'ool oo
kale.
Belbelkiisu waa sida belbel dab
ah,

Oo waa ololka ugu wada kulul
ee Rabbiga.

7 Biyo badanu jacayl ma demin
karaan,
Oo daadadkuna innaba ma
qarqin karaan.
Haddii nin damco inuu jacayl soo
siisto maalka gurigiisa oo dhan,
Haddana dhammaan waa la
quudhsan lahaa.

Saaxiibadaha Hadlayaa

8 Annagu waxaannu leennahay
walaal yar,
Oo aan innaba naaso lahayn.
Haddaba bal maxaannu
walaashayo u samayn doonaa

Maalintii iyada guur loo soo
doonto?

9 Hadday derbi tahay waxaannu
korkeeda ka dhisi doonaa
munaarad lacag ah,
Oo hadday albaab tahayna
waxaannu iyada ku hareerayn
doonaa alwaaxyo kedar ah.

Gacalisada Hadlaysaa

10 Anigu waxaan ahay derbi, oo
naasahayguna waa sida
munaaradaha oo kale.

Oo markaas waxaan hortiisa ku
ahaa sidii mid nabad heshay.

11 Sulaymaan beercanab buu Bacal
Hamoon ku lahaa;
Oo beercanabkii wuxuu ka
kireeyey kuwa dhawra,
Oo midkood kastaaba wuxuu
midhaheeda uga keeni jiray
kun xabbadood oo lacag ah.
12 Beercanabkayga ah kan aan iska
leeyahay, hortayduu ku yaal,
Haddaba Sulaymaanow, adigu
waxaad heli doontaa kun,
Kuwa midhihiisa dhawraana
laba boqol.

Gacaliyaha Hadlayaa

13 Taada beeraha dhexdooda
degganay,
Rafiqyadaadu waxay
dhegaystaan codkaaga,
Haddaba, bal i maqashii.

Gacalisada Hadlaysaa

14 Gacaliyahaygov, dhaqso,
Oo waxaad ahaataa sida cawl
ama deer qayrab ah
Oo buuraha dhirta udgoon kor
jooga.